

DISSERTATIO PHILOSOPHICA

AD VERBA PAULI

GAL. III. 2

Ο ΔΕ ΜΕΣ

ΕΝΟΣ ΟΥΚ ΕΣΤΙΝ

Ο ΔΕ

ΘΕΟΣ ΕΙΣ

QVAM

ADIVVANTE

RECTORE MAGNIFICO

SERENISSIMO PRINCIPE

D O M I N O

GVILIELMO HERCULE

DVCE SAXONIAE IVLIACI CLIVIAE

GARIAE WESTPHALIAE COMITATVS

ET WITTGENSTEINII

P R A E S I D E

PHILIPPO DAV. K. A. C. H. A. R. L. O. V. I. C. H. A. N. N. O.

AVGVSTANO

PHILOS. MAG. ET SOC. LAT. M. P. S. S. I. A. E.


ANNO CLO DCCC XXXVIII. D. C. M. LXXVIII.

PVBLICE TVEBITUR

AVGVSTINVS THOMAS

BERNHARDT

IAVORIA - SILESIVS. SS. THEOLOG. MAG.

 IENAE, LITTERIS CROC.

SOPHICO-EXEGETICA

BA PAVLI

III. 20.

ΕΣΙΤΗΣ

Κ ΕΣΤΙΝ

ΔΕ

Σ ΕΣΤΙΝ

AM

NTE DEO

NIFICENTISSIMO

NCIPE AC DOMINO

I N O

O HENRICO

I CLIVIAE MONTIVM AN-

AE COMITE SAYNAE

TEINII RELIQUA

ESIDE

. KRAEVTERO

STANO

C. LAT. MEMB. HONOR. _

IIII. DIE

APRIL.

TVEBITVR.

THEODOSIVS

HARDI

SS. THEOL. CVLTOR.

IS CROEKERIANIS.

THE UNITED STATES OF AMERICA

DEPARTMENT OF THE ARMY

OFFICE OF THE ADJUTANT GENERAL

WASHINGTON, D. C.

RECEIVED

NOV 23 1918

TO THE SECRETARY OF THE ARMY

FROM THE ADJUTANT GENERAL

SUBJECT: [Illegible]

REFERENCE: [Illegible]

1. [Illegible]

2. [Illegible]

3. [Illegible]

4. [Illegible]

5. [Illegible]

6. [Illegible]

7. [Illegible]


8. [Illegible]

9. [Illegible]

10. [Illegible]

P R A E F A T I O.

Nondum elapsus est annus, ex quo dissertationem nostram de promissionibus Abrahamo, & imprimis semini eius factis in publicum emisimus; vbi vindicias loci Paulini Gal. III. 16. dedimus. Contigit tum, vt in versum Capitis eiusdem vigesimum incideremus: de quo Interpretes consulturi, ad vnum fere omnes aut de hoc loco desperare, aut minus cohaerentia tradere, aut, quae nonnullorum aurea dicta sunt, huic tamen loco parum conuenire deprehendimus. Limites spatii angustiores tunc non permittebant, vt nostra de hoc loco cogitata in medium proferremus. Quae tamen cum prorsus latere, nimium fortasse nobis blandi, vt solet genus mortalium, nollemus: proxima occasione nobis oblata promissimus maiori cura, quam factum esset alias, ea promovere, quae ad illustre hoc oraculum euoluendum facere possent. Eo gratius ergo nobis accidit, cum Nobilissimus Doctissimusque Dominus Respondens, specimen nobiscum editurus, opportuno tempore, vt promissis liberari possemus, ansam hanc subministraret. Aliorum sententias in compendio sistere consultum iudicauimus; minime vero longius recensere, quod & ab hac nostra breuitate alienum esset, & alii optime iam fecerunt. Nec tamen actum nos agere, fatebuntur, vt spero, qui has pagellas legere ipsis indignum haud iudicauerint. Si acu rem tetigerimus doctorum iudicio, eo magis laetabimur, quo saepius quidem at iniustius disertissimum hunc scriptorem, Paulum appello, obscuritatis accusari videmus. Hanc maculam a diuinis eius libris abstergi, optabunt mecum omnes, qui religioni student. Nec dubium mihi est, alibi quoque successu eorum operam haud caritaram, qui nulli studio, nulli iudicii vi parcere, nec praeiudicatis sententiis plus iusto indulgere insituent. Ita vale, mi Lector, atque conatibus meis vel tenuioribus vel audacioribus fauere perge.



SECTIO I.

Ea, quae v. 20. antecedunt, illustrans.

§. I.

CUM in omni interpretatione dicti alicuius ambigui hoc facile primo loco curandum sit, ut ea, quae praecedunt, probe perspecta, atque extra omnem dubitationis aleam sint posita: quae quippe rationem interpretationis subministrare praecipue debent, ex ipsis verbis, ambiguis, haud petendam: multo sane magis id observandum hoc loco nobis duximus; in quo omnis obscuritas aliunde haud pendet, quam quod verba, per se satis clara, neque secum inuicem nexu quodam, qui tamen arctissimus per verba apparet, neque cum illis, ad quae referuntur, iungi villo modo posse videantur.*

§. II.

* Id quidem iam observavit D. HENR. WALTH. GERDESIIUS in Dissertatione de Christo, unico Abrahami semine, cui absque ulla alia mediatione omnis uero uoluntaria ex promissione debetur. Giesiae 1723. habita. In cuius §. III. eos, inquit, qui textum hunc crude & nude extra contextum, ut aiunt, considerant, forsitan de difficultate & obscuritate loci haud magnopere conquesturos esse. Apertissima enim & notissima esse, mediatorem non esse unius, sed inter duos, DEVM-
que

§. II.

Quicumque vero vel primis, quod aiunt, labris Sectionem ex qua desumitur comma nostrum, degustauerit, fateatur necesse est, Paulum hic totum esse in eo, ut legem quamcunque ab opere iustificationis arceat. Quod cum ad finem Cap. II. aperte satis declarasset; iam Cap. III. ipsa profert argumenta, quorum mirifica varietate Galatas nescio, quo oestro percussos, in veritatis viam non sine intimo animi adfectu reducere tentat. Primum idque grauissimum a dono Spiritus S. arcessit; v. 2-5. quod, cum illis obtigerit per auditum fidei, i. e. fidem ipsam * non vero per opera

A. 3

legis

que esse unum, siue secundum essentiam, siue secundum voluntatem spectes. Et postea §. V. p. 9. recte monet, peculiare hoc esse in textu proposito, ut, cum alii, in verbis obscuriores, ex comparatione antecedentium & consequentium lucem foenerentur, hic contra quoad verba ipsa in clarissimis habendus, quicquid est obscuritatis & difficultatis in eo, ex his principiis trahat, quae tamen ipsa in explicatione totius fundamenti loco ponenda erunt, adeoque e tenebris ipsis lumen expectandum. Haec verbis alienis efferre maluimus, quoniam per rem ipsam nondum patent. Nec nobis iam vacat demonstrare, locum hunc obscuritate quadam laborare, quam tamen omnes fere concedunt, vix detergenda. Minime quidem me fugit, Reuer. atque Doctissimum CHRISTOPH. WOLLIIUM in examine regularum hermeneuticarum August. Calmeti, p. 80. sua proposita sententia, fidenter pronunciare: Nemini hic locus erit obscurus, nisi qui nouam ei lucem spondent. Horum enim mos est, ut rebus, quas alii, debitis instructi praesidiis, sole illustriores perhibent, nebulas prius adfundant, ut habeant, quas deficiant tenebras. Haec autem ita non esse, nec nos ferire, praestat ex ipsa tractatione ab aequis agnosci lectoribus, quam multis verborum plaustris hic a nobis iniungi, ne quis forte existimet, ac si leuiorem hanc operam nostram commendare ipsi vellemus.

* Fidem ipsam. innui hac phrasi clarissime patet ex Ephes. I. 15. Et

legis, quibus incubuissent forte antea, adeoque non nisi cum fide coniunctum sit: cum tamen porro idem illud non detur sine iustificatione, qua quippe demum filii DEI efficimur, Ephes. I. 5. 6. 7. in cuius rei testimonium signum & pignus Spiritus S. donum a DEO nobis concedatur: Rom. VIII. 16. hinc conficit ipsam iustificationem, quam demum consequatur illud donum sanctissimum, aequè non nisi cum fide coniunctam esse. Argumentum huc redit.

Quodcunque est medium doni Spiritus S. idem quoque est medium iustificationis. Atqui auditus fidei vel ipsa fides est medium doni Spiritus S. E. idem est medium iustificationis.

Quod argumentum eo magis stringit, quo magis donum illud spiritus signis externis atque δυνάμει virtutibus admi-

Et sane ad accipiendum Spiritum S. non sufficit, ut tantum audiamus doctrinam de fide seu Euangelium; requiritur amplius, ut ipsa fides per doctrinam auribus perceptam animo instilletur. Sic ἀκοή πίστεως commode exponi potest: auditus ex quo oritur fides, vel orta est Rom. X. 14. ERASMVVS quidem in not. ad N. T. cura & impensis PETRI van der AA splendide editum, & quidem ad h. l. mauult verti: ex prædicatione fidei, quod tamen ipse ita explicat: ex fide, quam ex nobis audistis. Similis loquendi modus est, si non prorsus idem fuerit, ubi ὑπακοή πίστεως pro ipsa fide dicitur Rom. I. 5. XVI. 26. quod recte observauit Cel. WOLLIVS in not. ad BLECKENVALLE auctores s. classicos defensores & illustratos ab ipso ciuitate latina vere donatos p. 240. ubi docte etiam monet, quatuor esse phrasès eiusdem potestatis I) ὑπακούειν τῇ πίστει Act. VI. 7. vnde ὑπακοή πίστεως. III) ἀπειθεῖν ταῖς ἐξ ὑπακούειν τῇ ἀληθείᾳ, Rom. II. 8. vnde, ἡ υπακοή τῆς ἀληθείας. IIII) πειθαρχεῖν θεῷ Act. V. 32. ὑπακούειν τῷ Χριστῷ Hebr. V. 9. quae phrasès omnes simpliciter credere; & substantiua inde petita fidem significant. Quas tamen absolute quoque vocè ὑπακοή posita innuatur 1. Pet. I. 2.

admirandis tum sese exeruerit, ad quas non frustra prouocatur v. 4. Vt vel experientiam suam ipsis contrariam esse Galatae pestilentissimo errore abrepti, agnoscerent. Sed altius totam rem repetit Paulus, atque ad ipsa principia legalis oeconomiae vltima adscendit. Quae cum ab Abrahamo repeterent Iudaei, ille quidem ad ipsa vocationis primae eidem factae tempora procedit: ex ipsa eiusdem indole & primae promissionis verbis falsi eos arguens, qui vllam legem ad iustificationem necessariam statuunt. Ipse Abrahamus iustificatus est, antequam circumcisionis signo DEVS ipsum instrueret. Quod quidem argumento est, nec legem moralem, quae cum illa naturae eadem est atque tum sola erat, iustificare illum potuisse. Sed & promissio nullam aliam viam quam quae per fidem est, munit: quin potius eandem recta demonstrat. Id agit Paulus a v. 8. usque ad 14. quorum nexum vberius iam alibi * indicauimus.

§. III.

Nouum iam ex iisdem promissionibus argumentum exstruit Paulus, vt propius ostenderet, nec aliud de lege Sinaitica, statuendum, quæ potissimum caerimoniis distinguitur, quae ipsae iam supponebant iustitiae ex lege morali impetrandae negationem: ad quod rite intelligendum necessario repetenda sunt, quae ad praecedens loc. cit. diximus, hic vero lubentes praeterimus. Sumit autem Paulus promissionem ex Mose Gen. XXII. 18. Ostendit, ad Christum eam pertinere, & per semen ibi promissum non aliud intelligendum, nisi monadicum: quod esset Christus. Fusius & haec alibi explicauimus. ** Iam legem finai-

* in Diss. de sensu litterali promissionum Abrahamo & in primis semini eius factarum p. 27. f.

** Diss. cit. p. 47. f.

Sinaiticam comparat cum hac promissione tempore potissimum. Cum ergo lex Sinaitica sit foedus (v. testamentum) multo posterius promissione, seu foedere (v. testamento) gratiae, quo Abrahamum instruxit DEVS; hinc arguit: cum nullum foedus posterius ne quidem apud homines & in huius seculi rebus possit derogare alii priori; nec legem illam potuisse derogare foederi (v. testamento) facto in Christum, aut irritam reddere promissionem de omnibus benedicendis i. e. iustificandis per Christum tanquam Abrahami semen. Cum v. si ex lege iustificatio petenda esset, vere per illam obrogatum esset promissioni; & lege sub hac conditione posita, sublata promissio: quod tamen fieri nullo modo possit: hinc conficit ipsam illam hypothesin sub qua lex tolleretur promissionem esse falsam, esse impossibilem. Ex lege itaque iustificationem non esse expectandam.

§. IV.

Sic iam recta via ducitur ad quaestionem illam de usu legis. Cum enim DEVS nihil faciat frustra, nec adeo frustra legem dedisse censendus sit, sed necessario finem aliquem intendisse; quem nosse nostra maximopere interest; merito de usu ac fine legis illius Sinaiticae anquiritur. Quod quidem v. 19. docere instituit Doctor ille gentium gravissimus, his usus verbis: *τί οὖν ὁ νόμος*; vel vt alii volunt: *τι οὖν*; sensu fere eodem, quamuis communiorum merito praeferendam esse lectionem iudicet Ven. Io. CHRISTOPH. WOLFFIUS in curis ad h. l. *τί σὺν ὁ νόμος; τῶν παραβάσεων χάριν προστέθη, ἄχρις ἃ ἔλθῃ τὸ σπέρμα ὃ ἐπηγγέλται, διαταγὰς δὲ ἀγγέλων ἐν χειρὶ μεσίτου.* Tantam operam in his verbis posuerunt Viri Celeberrimi, vt nihil addi fere amplius possit. *

§. V.

* Instar omnium fere esse poterit Reuerendissimus Academiae Turingen-

§. V.

Vt tamen breuiffima paraphrafi, quicquid hac de re dici poffet, complectamur: haec mens Pauli nobis effe videtur. Ne propter retardationem promiffionis de Chrifto, prorfus in auia delaberentur Iudaei in peffima quaeque proni atque duriffimae ceruicis: DEVM promiffione fuperaddidiffe legem Sinaiticam omnem * ad prohibenda, coercenda atque redarguenda peccata eorundem, vel etiam vt *qualecunque* remedium & folatium eorum, qui de peccatis fuis affligerentur. Ideo quippe legem moralem, normam illam actionum humanarum naturalem cordibus infcriptam, denuo ipfum promulgaffe, vt ne cupiditibus, apud illos, quod apud gentes fere factum eft, fenfim plane obliteraretur, fed eo viuidiori inhaereret memoria, atque eo certius, eo purius ad pofteros propagaretur. Caerimonialem vero & politicam, vt grauitatem peccatorum eorumque poenas ob oculos poneret, fymbola expiationis praeberet, ac promiffionis fpem in animis ipforum continuo fufientaret, quin etiam, vt ad Mefliae aduentum praepararet, & ordine omnia difpenderet. Quae tamen lex per ipfum finem fuum durare longius hand poffet, faltem, vim fuam damnantem atque

B

exa-

bingenſis Cancellarius, Dom. D. CHRISTOPH. MATTH. PFaffenſis, aut, ſi mauis, Vir Reuerendus, Io. ADOLPH. DEMAMAL, Eccleſiae Auguſtanae Diaconus hodie meritiffimus in Diff. de legis diuinae Sinaiticae cauſis, uſu, duratione & miniſtris ad Gal. III. 19. quae habita eſt Tubingae, An. 1729.

* Sunt, qui ſolam caerimonialem hic in cenſum venire volunt: ſed fallere eos rationem, puto, ex ipſa re patere. Vt taceam; nullam reddi poſſe rationem, cur penitus excludatur lex moralis. conf. etiam THEOPH. ALETHAEVM Tom. III. der Erläuterung p. 512.

exaëtricem, diutius haud exercere, quam *donec veniret semen* illud promissum, *cui promissum est*, seu ad quod promissiones illae spectant, vbi DEVS edixit, fore, vt restitueret penitus ablatam iustitiam nosque DEO prorsus conciliaret. Interea vero, dum haec fierent, vt lex eo maiorem vim haberet, ideo ad terrendos animos refractarios tanta pompa *comitibus angelorum choris*, illam tradidisse, *mediatori*; quem constituisset populus, maiestate legislatoris perterritus atque tremulus, ne ipsi audirent verba Domini, atque fortemorerentur. Hic vero Moses erat. Hinc arrepta occasione ex ipsa legis perferendae ratione & forma ad negationem finis cuiusdam alterius, qualis esset iustificatio, concludit; eadem opera comprobatum reddens, finem a se allegatum recte pro tali venditatum esse, & quidem cum exclusione alterius. Quod, quomodo procedat ex verbis, quae explicanda sumimus, id iam paullo propius atque curatius inquiremus.

SECTIO II.

Qua variae Interpretum sententiae commemorantur.

§. VI.

Difficile videtur & taedii plenum inire numerum sententiarum, in quas de hoc commate scinduntur Viri vnde quaque celeberrimi. Sed & praeterea inutile reputari posset, postquam Eruditissimus GERDESIVS * nullo

* Dissert. citatae not. §. I. Sect. II: p. 14 - 140. De qua ex merito iudicauit Celeb. HEVMANNVS: pulchrius exemplum talis historiae litterariae (quae scilicet singulis versibus sacri codicis incumbit) vix sibi occurrere. in via ad hist. litt. C. I. p. 10.

nullo non labore in hanc rem incubuit, quasi Iliadem post Homerum scribere vellemus. Et profecto, facile hac opera supersedere potuissemus: nisi potius commodum fuisset visum, ea, quae fufius tractauit Vir Celeberrimus in summam redigere, atque obtutu veluti vnico contemplanda sistere: nisi quod recentiora hinc inde addere nomina etiam constituerimus. Inprimis, cum pauci forte fuerint ex lectoribus nostris, qui scriptum doctissimum ad manus habeant. Sed & ipse GERDESIVS ansam huic Capiti praebeuit iustissimam, in quo, ne labor noster plane superfluous haberi possit, sententiam ipsius modesto examini subiiciendam putauimus: cui alteram recentiorem Viri cuiusdam doctissimi cum dubiis nostris adiiciemus. Quin, cum modestia prohibeat, vnum me meam pro certa venditare sententiam; conueniens visum, alias aliorum praemittere, quo rectius lector aestimare possit, an mea illa reliquas aliquo probabilitatis gradu superet.

§. VII.

Optime vero laudatus GERDESIVS, vt eo melius fluxae succurreret memoriae, dissentientes in tres classes distribuit. *Prima classe* illòs collocat, *qui μωσιν in loco nostro Christum esse volunt.* Quorum quidem aliqui CHRISTVM pro subiecto specifico versus 19. aequae ac 20. venditant: alii vero tantum versu 19. Christum, versu autem 20. eundem relatiue tantum, specificè vero mediatorem quemcunque innui dicunt: alii denique versum 19. de Mo- se explicandum, versu autem 20. CHRISTVM Mo- si contradistingui putant, ita, vt hic sit oppositio mediatorum vtriusque Testamenti. Nominibus hisce, quae magno recenset numero pag. 15. sqq. adiungendus est ex recentioribus Venerandus Io. CHRISTOPH. WOLFFIVS in curis Philologico-Criticis Vol. III. p. 735. Tam, qui has

B 2

tenent

tenent primas partes v. 20. communiter sic explicant: Mediator non est vnus, sed plurium aut saltem duarum partium. * Alteram vero partem: *ὁ θεὸς εἰς ἑαυτὴν*, vel de vnitae effentiae; ** vel de vnitae voluntatis, quod scilicet secum optime conveniat DEVS; *** vel vtraque ratione, sic: DEVS, quia natura vnus est, non potest a se ipso diffidere: **** vel tandem, referentes propius ad comma praecedens: *DEVS vnus est ex illis, sc. vna pars: * vel erat vnus tamen verus ille DEVS.* WESSĒLI ** peculiaris est explicatio: qui pro vna habens enunciatione ita vertit: *Mediator vnus non est, sed ipse DEVS vnus est.* EYSEBIVS de hoc loco agens Arrianismum multis sapere videtur. Set praestat ipsum legi in libris contra Marcel- lum L. I. C. I. & addi GERDESIVM p. 73. &c. Qui mox PHOTII sententiam parum probabilem addit, ex cuius mente

* Ita ex Veteribus THEOPHYLACTVS: ad h. I. CHRYSOSTOMVS, in h. I. Tom. V. Opp. OECVMENIVS in h. I. AVGVSTINVS in exposit. epistolae ad Galatas, alii. Ex recentioribus LVTHERVS quondam in Comment. ad easdem; qui tamen postea mentem mutauit, & in glossa marginali de Mose exposuit: CALOVIVS in Bibliis Illust. HEINSIVS in Exercit. S. p. 422. HEDINGERVS ad h. I.

** Ab his partibus stare dicuntur CHRYSOSTOMVS, AVGVSTINVS, ex recentioribus HEINSIVS. Adde IOH. MICHAELIS notas Crit. & Exeget. in N. T. Rostochii cum praef. IO. FECHTII Anno 1706. editas p. 132. 133.

*** Hanc sententiam elegerunt LVTHERVS in h. I. atque PAREVS in Comment. ad h. I.

**** BVLLINGERVS in Comment. ad h. I. hanc interpretationem suam fecit.

* OECVMENII haec est, quam tanquam communem explanationem laudat & nomine aliorum explicat PAREVS. Huc etiam spectat. Rev. WOLFFIVS in curis ad h. I.

** In dissertat. S. Leidenfis. Diff. XIV. de mediatore non vnus, sed ipso DEO vno p. 454. sqq.

mente id vellet Apostolus: *Mediator est non vnus* sc. legis tantum: *nam duo sunt (Lex & Evangelium) quae mediatore opus habent. Sed DEVS & Mediator vnus & idem est ille vtriusque.* Sunt, qui credunt, Paulum hic nihil aliud innuere voluisse, quam: Christum mediatorem duarum esse naturarum. *** De qua sententia libere pronunciat *BO SCIVS*, eam omni bono sensu carere, & scopo Apostoli plane non conuenire. Alii diuersitatem ac pluralitatem populorum, quibus Christus mediator est, ista ratiocinatione Apostolica innui existimant. **** Tandem *LVT KENIVS* in Colleg. Bibl. p. 211. itidem de Christo explicans ita tradit: *Is autem mediator (de quo v. 19.) non est mediator vnus illius κατ' ἐξοχήν talis*, cuius sanctitas immutabilis. *Vnus autem ille* (cuius scil. mediator non est) *DEVS est.* Nostrum iam non est, singulas pluribus expendere. Paucis monemus, illos, qui v. 19. Christum intelligi autumant, Analogiam Scripturae negligere, quae Christum tantum vt mediatorem N. T. repraesentat, vt alia taceam. Reliquas vero sententias partim coactas, nec verborum structurae, nec genio linguae accommodatas esse; & praeterea id, quod caput causae est non tangere, h. e. nexum naturalem & aptum haud ostendere: vti cuius meditati patebit, ita prolixius summaque cura ostendit ille *GERDESIVS*, cuius operam hic saltem in compendio damus.

B 3

§. VIII.

*** Ex recentioribus eo digitum intendi putat *FRANC. WOERGERVS* in Oedipo S. Lubecae 1675. 8. edito p. 32.

**** Ita ex antiquioribus *THOMAS DE AQUINO*: e recentioribus *CALVINVS* & *GOMARVS*: quibus quod ad rem ipsam accedunt *BEAVSOBRIVS* ET *LENFANTIUS* ad h. l. nisi, quod v. 19. Moſen mediatoris titulo insigniri concedant.

§. VIII.

Ad *classē secundam* illi pertinent, qui *Mosen nomine* αἰῶν *indignari statuunt*, quorum prolixam mentionem facit GERDESIVS p. 91. sqq. Addendi tamen illis iam sunt summe REV. HAGMAIERVS differt. ad h. l. Tubingae 1719 habita. THEOPH. ALETHAEVS Tom. III. der Er-
läuterung p. 516. & doctiss. WOLLIVS, de quo tamen mox pluribus. Diuersas & hī rationes sequuntur. Quamuis in eo conuenire obseruentur plurimi, *ut e naturā mediatio-
nis dualitatem partium vniendarum h. l. inprimis urgeri cense-
ant*: non vno tamen sensu & modo scopo Apostoli dicta accom-
modant, nec eadem ratione connexionem cum antecedentibus &
consequentibus exponunt. Quidam postquam membro I ex
partium dualitate inimicitiam inter DEVM & hominem argue-
runt, non nisi mediatoris ope tollendam: altero membro
unitatem moralem & voluntatis in DEO potissimum vrgent,
ideoque vel ita iungunt priori, *ut DEVM mediatore non
egere dicant*, cum nec alius sit praeter vnum, nec diffideat a se
ipso: sed nobis tantum opus esse: * vel, *ut DEVM esse vnā
partem e duabus*, ** adeoque mediatorem inter DEVM &
homines fuisse; speciatim DEVM partem laesam fuisse, non
laedentem; adeoque causam diffidii prius memorati in ho-
mine potius quam DEO quaerendam, *** ex mente Pau-
li.

* LVTHERVS, BRENTIVS, FLACIVS, WOCKENIVS alii
hanc in sententiam citantur, quibus adnumerandus ALETHAEVS loc.
cit.

** MVSCVLVS, Comment. in h. l.

*** NORTONVS KNACHTBVLLVS, in Animaduers. in N. T.
p. 113. ex versione, quam laudat, Aethiopica, & PRZICOVIVS.
Huc etiani refero B. ZELTNERVM in annotat. ad Biblia Germanica
ab ipso edita p. 202. vbī sic: Gott aber ist der eine: Die eine Par-
they.

li, vti videtur ipsis, pronuncient. Vel *immutabilitatem* DEI inde deducunt, tum in seruandis promissis de iustificatione per gratiam non obstante diffidio perlegem eiusque mediatorem indicato, **** tum in irae manifestatione erga transgressores. ***** H V N N I V S & E R A S M V S S C H M I D I V S totum hoc comma pro descriptione officii mediatoris & naturae mediationis habent; ita, vt P A V L V S v. 19. M O S I S mediatoris *unitatem* v. 20. *partium*, inter quas egit, *dualitatem* cum DEI *unitate* indicet, aequae ac alias de Christo Mediatore N. T. I. Tim. II. 5. S C H O M E R V S, qui tamen recenset potius, quam definit, H A M O N D V S & C R E L L I V S totum hoc comma tanquam nouam obiectionem continuatam in versu 21. ibidemque solutam habent, * vel idem obiectioni responsionem iungere putant

then. Also muß nothwendig folgen, will Paulus sagen, daß die andern das Volk gewesen, und solches noch nicht durch das Gesetz die Versöhnung erlangt habe. Dieweil man sonst, wo alles einig und verglichen keines Mittlers bedurfft hätte, folgar das Gesetz, dieweil dabey der Zorn Gottes, und die Feindschafft noch geblieben, die Versöhnung mit Gott nicht geschaffen; sondern der, auf den die Verheißung gezielet, und also das Gesetz eine andere Absicht als die Versöhnung, wovon Rom. III. 20. VII. 7. und hier v. 19, gehabt habe.

**** PERKINSIVS ad h. l. GROTIIVS, CAPELLVS.

***** BEZA annot. in N. T. BALDVINVS in hypomnematibus apostolicis ad h. l. CALIXTVS, comment. ad h. l.

***** Laudatur in hanc rem PISCATOR ad h. l.

* Huc etiam referri poterit Cel. OEDERVS in Diss. ad h. l. & in Syntagm. p. 644. &c. qui obiectionem a v. 19. incipit: atque vt hoc eo melius procedat, verba (τῶν παραβάσεων χάριν προσετέθη, ἄχρῃς ἔλθῃ τὸ σπέρμα ὃ ἐπηγγέλται) parenthesi includit: contra quem pluri-

tant. LOCKIUS ** ad naturam pactorum, quae fiunt inter duas partes & iura partium mutua prouocat, ad ostendendum, cur lex non possit tollere promissionem. CORNELIUS A LAPIDE ad h. l. oppositionem inter mediatorem & DEVM notat in eo, quod ille *duorum* sit, DEI scilicet & Hebraeorum, non autem Christianorum: hic autem vnus, non duo. Alii hunc versum pro descriptione Moſis mediatoris habent, *secundum virtutem vniendi vel DEVM & homines, vel populos inter se*, collati cum mediatore N. T. quorum quippe neutrum efficiat Moſes, quamuis DEVS tum SECVM vniri velit homines, tum respectu *populorum omnium* eadem ratione sit animatus. *** ESTIUS Pontificius, & ex Reformatis praecipuus AMYRALDVS in hoc commate *praerogatiuam Euangelii* promissione declarati *prae lege* adstrui censent; quod scilicet haec disposita sit per angelos, illud a solo DEO immediate pendeat. ADAMVS SASBOVTVS iu prima parte textus nostri MOSIS in scitis suis mutabilitatem, sed in secunda DEI IMMUTABILITATEM proponi autumat. HVLSEIUS Moſen *non vnius foederis*, nempe legis, sed etiam *promissionis* mediatorem hic vocari, pronunciaſſe fertur. SEBAST. SCHMIDIO Moſes hic audit mediator, non vnus DEI,

pluribus WOLFFIUS in curis ad h. l. Quod reſtat, hi non nihil accedere videntur ad noſtram ſententiam inferius proferendam. Sed diuerſitatem ipſa docebit comparatio.

** In comment. ad h. l. quem a CLERICO in Bibl. Sel. Tom. XIII. p. 79. & alio Auctore Anglo Anonymo reſutatum eſſe, ex WOLFFIO ad h. l. ſaepius iam nominato diſcimus.

*** IO. CONR. DIETERICVS in Antiquit. Bibl. quem ſequitur BREITHAUPTVS in animadverſ. exegeticis & dogmatico-practicis i priorem interpretationem probat. Poſterior eſt COCCII & ſequacium.

DEI nempe *caussa*, qui sit *immutabilis*. Est, qui vocem: *ἀμεσότης* de vero Mediatore explicat, qualis non fuerit Moyses, qui intercessor populi tantum fuerit, minime vero causam DEI apud homines egerit: qui tamen altera pars dissidentium sit. Sed ohe iam satis est opinionum secundae classis. Quae, si accurate ponderentur, vel non satis firmis hypothesibus niti; vel contortas vocum significationes cominisci; vel concatenationibus vti arbitrariis, e longinquo maxime petitis, nec quicquam ad Pauli scopum facientibus; vel aliis modis peccare deprehendes. Omnes sane aliquem inter cogitationes *SVAS* nexum; quamvis & hunc saepe leuissimum, produnt: quomodo vero verba Pauli, atque his subiectae cogitationes nulla vi adhibita iungantur & secum inuicem plana ratione, & cum tota Pauli oratione, id quidem frustra ab illis requisueris. Tanto studio eam causam egit GERDESIVS, vt nobis otiosis hac in re esse liceat.

§. IX.

Omiseram §. praec. PETRI DV BOSCI sententiam; ea quidem de causa, quoniam pluribus agere de eadem constitui; quam quippe eandem agnoscimus cum illa Celeb. WOLLII, qui sole clariorem existimat. * Summa explicationis eius in hoc consistere Gerdesio dicitur, vt e natura partis humanae, de qua h. l. agitur, cognoscatur, de quo mediatore loquatur Apostolus. Sensum loci du Boscius hac Paraphrasi ex sententia sua explanat: *Mediator huius legis, non est istius seminis, quod vnum vocauimus, quia omnes in terra populos vnit per fidem, sed DEVS; qui Abrahamo & semini eius promissiones dedit, vnus est DEVS omnium, gratia ipsius inter credentes nullum discrimen statuen-*

C

te,

* Conf. not. §. I. huius diff.

te, Filioque in carne sua inimicitiam legis praeceptorum abolente, ut duos, Gentiles & Iudaeos, in unum novum hominem crearet, pacem faciens. Haec DV BOSCIUS. ** Cel. WOLLIVS *** eadem fere ratione inquit: 'ο δὲ μεσίτης, ita pergit Apostolus, & ἔστιν ἑνός, id est: Hic vero mediator MOSES non est unius illius seminis mediator. Et paulo post: MOSES populitantum Iudaici mediator erat. 'ο δὲ Θεός ἐστις ἔστιν, DEVS vero vnus, i. e. Iudaeis atque gentibus in N. T. placatum se praebet. Hinc omnino consequens est, ut & μεσίτης ἑνός, mediator illius mystici VNIVS Iudaici nimirum & olim profani populi esse debeat. Alioquin DEVS propitium se utrique genti exhibere non posset. Pace clarissimorum nominum horum liceat candide, quae dubia occurrunt, exhibere. Praeter relationem immediatam τῷ ἑνός ad vocem σπέμα, quam quidem possibilem esse WOLLIO lubentes damus, variis hypothesebus niti videntur vix admittendis. Prima est: v. 16. aequae ac 19. σπέμα mysticum intelligendum, siue ecclesiam, quatenus omnes credentes in Christum sine omni discrimine complectitur. Si quicquam dici potest durum, hoc profecto est: quod argumentis, ut puto, haud reuincendis demonstratum est a nobis * alias idemque hoc pluribus iam fecisse video GERDESIVM p. 121. Altera hypothesis spectat ad vocem ἐκ, quam ad diuersitatem populorum referri, & aequalem erga omnes amoris

** Hic mentem hanc suam exposuit in epistolis vitae ipsius adiectis, quarum vna ad nobilissimam foeminam DE LA SVZE scripta, p. 517-540: indeque recensetur in Actis Eruditorum Lips. 1694. p. 184. sqq. Rev: WOLFFIVS saepe iam appellatus in curis quandam concionem earum memorat, quae Gallice extant.

*** Confer hic ipsius Examen regularum hermeneuticarum A-VYST CALMETI p. 79.

* Diss. de sensu litterali &c. C. III. §. XLVIII.

moris affectum importare volunt. Afferuntur in hanc rem loca Pauli Rom. III. 29. 30. 1. Cor. VIII. 4. 5. 6. 1. Tim. II. 5. Quam bene, hic non disquirimus. Sufficit notasse, si quoque huc omnia illa facerent adducta loca, in illis quidem sonoris verbis hunc respectum indicari: in nostro vero nec vola extat nec vestigium. Gratis adeoque obtruditur. Et tandem quid haec, optime alias dicta, ad hunc locum? quid ad scopum Pauli? Probare hic vult, usum legis esse tantum paedagogicum, hinc maximae ex parte aliquando desitutum: minime vero iustificare, quae gloria soli femini monadico sit relicta. An vero sequitur: Quoniam Moses, qui legem tulit, populi tantum Iudaici mediator extitit, DEVS vero vult omnes saluari atque adeo iustificari: E, lex non iustificat. Vtique dicis: quia sic lex solis Iudaeis promulgata est, minus vero gentibus. Legem ergo non iustificare posse inde arguis, quod iustificatio sit commune bonum, lex vero medium non commune. Atqui vero, sic vitiosum circulum commisisset Paulus. Id enim est, de quo quaerebatur, an non lex etiam spectaret ad gentes, quae, etiamsi DEVS populo Iudaico praerogativam temporis quod ad agnitionem eius concesserit, eamque primum *ipse* illis dederit; obligari tamen posse videbantur per promulgationem mediate factam per populum Israeliticum atque Iudaeos. Difficultates huic interpretationi propriae (de ambagibus nihil dicam) tantae sunt, ut, nisi iusto faciliores esse velimus, assensum vix cuiquam extorquere possit.

§. X.

Magis consentanea tradit, si quid iudicando assequi possunt Reu. GERDES IVS, ubi Sect. III. diff. sapius laudatae propriae opinionem cum argumentis sistit. Qui, dum

ineam concessit sententiam per *μεσίτην* intelligi Moſen (quocunque vero ſenſu perinde ipſi eſt) per vnum vero, *σπείρα* illud de quo v. praec: quodque vnicum eſſe, iam ſupra v. 16. Paulus demonſtrauerat: ita iam comma totum explicat. Hic vero mediator non eſt mediator vnus *ſeminis ſcilicet*, cui promiſſum v. 16. & 19. Nam DEVS vnus eſt. Liceat & hic nobis libere, quid videatur, proloqui. Et quod ad primam quidem interpretationis huius partem attinet, aliquando nos prorsus conſentientes habuit: ſed re accuratius penſitata atque profundius rimata variae menti ſe obtulerunt dubitandi rationes. Totius explicationis fundamentum in ea ponitur hypotheſi, quod hic Moſes comparatur in officio ſuo mediatorio legis promulgatae, cum Chriſto, ſemine monadico ſecundum ius *κληρονομίας* ex promiſſione ſpectato. Quo quidem reſpicere videtur ad v. 18. vbi dicitur: *Εἰ γὰρ ἐν νόμου ἡ ΚΑΝΟΝΙΑ, οὐκ ἔτι ἐξ ἐπαγγελίας.* Aſt hic non de iure *κληρονομίας* ſeminis monadici agi videtur, ſed potius de *κληρονομία* fidelium, quatenus haec iuſtificatione innititur. conf. v. 29. & quae forte infra ad eundem dicentur. Vnde ergo hic comparationis terminus? Ipſam iam Pauli *theſin* hanc eſſe ait: Moſes non fuit mediator huius ſeminis, ex quo proſo fluat alueo: Ergo nihil potuit iuri ipſius derogare, cum plane non pertineat ad ipſum. *Argumentum* vero *primum* in eiſdem verbis: *ὁ δὲ μεσίτης οὐκ ἔστιν ἐνός* contineri putat inſimplicite, atque hoc eſſe. *Quia unum eſt.* Vbi vero vnus haeres ibi nullo opus eſt mediatore, cum nulla lis, nam nullae ſunt partes, de haereditate adeunda oriri poſſit. Hoc quidem valeret argumentum, ſi Moſes in ſtricto ſignificatu mediator diceretur. Aſt, quidni per *internuncium* haereditas indubia adiri poſſet? Quin tota res ad ſcopum Pauli, qui, aduentante ſemine legem abrogandam eſſe docet, parum facit. Neque enim, qui hoc negabant, facile ex eo rationes ſuas petierint, quod Moſes fuerit internuncius ſeminis, quin potius ipſum

ipsum saltem ex parte pro semine illo promisso habebant, de quo paullo post pluribus. Caeterum ellipsin, nominis *σπέρματος* quam explicationis haec prima pars inuoluit, etsi non prorsus non admittendam dixerim; duram tamen si vocauero, haud me aberrasse puto. Ellipsis enim non facile admittenda, nisi vel familiari vsu alias iungatur id, quod latere iam volumus, vel necessario atque per se fit subintelligendum. Nihil vero tale hic deprehendes. Et quamuis v. 19. legatur illud nomen: hic tamen nullum signum obseruatur, quod necessario istud inde nomen repetere iubeat. Imo, si determinate semen illud monadicum voluisset Paulus, sine dubio articulum addidisset τὸ ἐνός, vti e. g. 1. Cor. XII. 12. τοῦ σώματος τοῦ ἐνός.

§. XI.

Iam si ad alteram quoque huius interpretationis partem attendamus, quae in verbis ὁ δὲ Θεὸς εἰς ἐς ἐν occupata est, quae quidem *Argumentum secundum* explicitum thesios memoratae ipsi suppeditare videntur: non minus dubios nos haerere profiteri debemus. Non iam dico, argumentum *princeps* ex ipsa eius sententia *implicite* tantum haberi, *minus* vero *princeps explicite*, quod leuiorem mouere potest suspicionem. Ipsam potius huius, quod dicitur, argumenti naturam considerabimus. Tum ex *vnitate essentiae* diuinae, tum ex *vnitate voluntatis diuinae* deduci posse Vir doctissimus existimat. Ex *vnitate* quidem *essentiae*, quoniam filius cum Patre sit eiusdem numero essentiae: inter DEVM vero & DEVM nulla intercedere possit mediatio, cum ista non sit vnus. Sed, vt & hoc praetermittam, vim huius argumenti non adeo apertam esse, quid hoc ad rem praesentem, cum id probandum sit, quod Moses non fuerit mediator seminis, *qua talis*, & quidem inter DEVM & homines. Confundi tamen hic iterum videtur internuncius cum mediatore stricte sic dicto, seu in-

tercessore. Aliud adhuc est, quod obuerti posset. Cum hoc argumentum supponat venerandum Trinitatis mysterium, & diuinam Seruatoris naturam, ipso. GERDESIO fatente: cuilibet iudicandum relinquimus, quo iure eodem vsus esset Paulus, contra Iudaeos aut Iudaizantes, quibus sane tum etiā haec maxime inuisa fuerunt. Vnitatem *voluntatis* melius forte ad mentem Pauli vrgere aliquis posset: quod scilicet promissio DEI de seruando mundo facta Filio, atque acceptio ex parte huius sit immutabilis. Sed cur saepius iam inculcata v. 16. 19. repeteret Paulus? & id quidem verbis obscurioribus, cum antea clarissime enunciauerit. Quis enim negabit, hanc cogitationem *DEVS non potest mutare id, quod semel promisit*, obscurius exprimi his verbis: *DEVS vnus est?* Tandem, particulae *δε* significatus illatiuus, praesertim in ἀποδόσει, qualis hic necessario Ipsi statuenda, & praecedente alio *δε* non adeo certus est, atque extra omnem dubitationis aleam positus; * cum proprie aduersatiuam potius vim habeat, aut, si partes adsint orationis, eas indicet, quin etiam simpliciter connectat. Quae cum ita sint, nemo

* Praeclare equidem noui VIGERVM in elegantissimo libello, *de praecipuis Graecae dictionis idiotismis*, aut, quod rectius diceret, idiomatibus hanc significationem particulae *δε* tribuere. Ast idem ille Poetis inprimis relinquit. In soluta oratione rarissime saltem occurrere prae se ipse ferre videtur, cum, quasi singulare exemplum afferat illud Demosthenis Olynth. 3. τῷ δὲ ἐν δὲ προσῆναι τὰ ἄλλα ὑπάρχει. Vertit autem: *Hoc igitur accedat necesse est: NAM cetera quidem adsunt.* Sed hac versione non videtur opus: cum ex mente Demosthenis aduersatiua vis huic loco belle conueniat; qui τὰ ἄλλα opponit τῷ in eo, quod alia iam adsint, hoc vero demum accedat necesse sit. Adducunt nonnulli locum 1. Tim. III. 5. Sed & hic potestas aduersatiua commode retinetur: inprimis cum parenthesi sit includendus ille versus totus.

mo nobis, vt spero, vitio vertet, quod ab Auctore huius sententiae doctissimae hic discedamus. *

§. XII.

Satis iam de *classe secunda* actum, quae, vti sententias maxime speciosas suo comprehendit ambitu, ita diligentiori digna tractatione visa fuit. *Tertia classis* iam superest, paucis tangenda, eorum quippe, qui de Christo & Mose simul explicant locum nostrum, numero paucoruni. In duas tantum a se inuicem discedunt partes. Alii enim de quouis mediatore loqui Apostolum, Christumque & Mosen inter se conferri existimant, LUTHERO denuo praeunte, ** qui quidem suas ita subducunt rationes, vt Christum aequae ac Mosen *non vnus, sed duarum partium* dissidentium *mediatorem* vocari statuant; DEVM autem *vnun* dici, quia mediatore non egeat. Contra quos CALOVIUS vrget, haud facile duplex idque diuersissimum subiectum vna eademque voce indicatum admitti posse. Alii *duplicis foederis duplicem mediatorem* hoc loco indicari volunt; quam in rem citantur IOH. CAMERO in myrothecio & CLERICVS ad Hammondum. Quorum prior ita textum nostrum explicat: mediator est non vnus *tantum sed & alterius foederis*, h. e. *Duplex est mediator, Legis, qui Moses, Euangelii qui Christus.*
DEVS

* Excepisse etiam nonnulla contra GERDESII opinionem Hoffmannum in Biblioth. Lubec. Vol. V. p. 46. sqq. memorat Summe Rev. WOLFFIUS in curis ad h. l. Sed, quemadmodum ipse vtrique causam hanc amplius disceptandam permisit, quod quippe se facturum in ampliore, quam parat, commentationis suae editione doctissimus GERDESIIUS promissit; ita & nos sicco eadem pede praeterimus, cum Bibliothecae eius copia nobis haud sit facta.

** LUTHERVS in Commentario vltimo de anno 1538. ad h. l. GEORGIUS MAIOR Tom. I. Opp. NICOLAUS HEMMINGIUS in Comment. in Epistolam ad Galatas ex Luthero sua irrigarunt arua.

DEVS autem vnus est h. e. *vnus eundemque scopum constituit in viriusque foederis pactione.* Posterior loco foederis subintelligi mauult *περάγματος ἦτοι εὐαγγελίου:* & phrasin *ένος ουκ ἔστι* accipit pro: *vnus non est* contra genium linguae. De his vero liberum lectori relinquimus iudicium.

SECTIO III.

Propriam huius dicti interpretationem sistens.

§. XIII.

IAm vero instituti ratio eo nos vocat, vt ipsi nostram proferamus sententiam, eamque probabilitate sua non destitui commonstremus. Nemo vero crediderim tam ab omni humanitate erit alienus, vt nobis hunc conatum nostrum vitio vertat, quasi post tot tantorumque Viro- rum labores frustraneos meliora docere ipsi praesumamus. Absit hic fastus a nobis. Nolumus quicquam detractum maximis eruditi oribus luminibus, quae huic rei declarandae operam dederunt. Nec ulla mihi gloriolam exinde captare cupio: nisi forte, vt Amici iudicent, nos ingenuo animo in veritatem vtilem inquisiuisse, atque in eadem peruestiganda non tam auctoritatibus quam ipsa re stetitisse: quam quidem aucupari non tantum licitum putamus, sed & rei litterariae inprimis proficuum atque necessarium. Non ergo contemnimus alios. Non nostra tanquam ex tripode dicta proferimus, quin potius aliis examinanda, atque si visum ita fuerit, expolienda & consummanda modeste tradimus.

§. XIV.

Vt vero eo melius diiudicari possit, quomodo tota res instituat, praelibabimus principia quaedam generalia,

alia, ad quae in dissoluenda hac difficultate respiciendum putamus. Cum omnis difficultas hic non oriatur ex verbis per se spectatis, sed exinde potius, quod nexus eorundem & inter se & cum antecedentibus aequae ac consequentibus haud pateat: ipsa vero, quae explicamus, verba duabus absoluantur propositionibus: eo utique allaborandum, ut utriusque nexus ab utraque parte manifestus euadat. Qua de re generales has praeponimus regulas: *I. Quicumque nexus est planus atque naturalis, ille praefendus est difficiliori atque coacto.* Cum vero nexus immediatus semper sit planior mediato; & mediatus ipse, quo propinquior eo planior: hinc iam consequitur, si eadem verba duplicem habere possint nexum possibilem, immediatum, si quis per ipsa verba detur, praefendum esse mediato; & immediatum propinquiorem, eidem remotiori. Non longe argumenta in hanc rem petenda censeo. Si nexus sit mediatus, latet aliqua propositio, eoque ipso lectori non omnia statim clare proponuntur. Hinc, quo plures deficiunt propositiones, quae principiorum locum obtinent, eo plura latent; eoque minor adest claritas, quae tandem in obscuritatem degenerare potest. Cum vero praecipua virtus Scriptoris, in primis S. sit perspicuitas, & quanta quidem possibilis, opposita obscuritati: patet iam, quo propinquiori nexu per explicationem aliquam cohaerere dicta sacra demonstrari possit; eo probabiliorum esse eandem, atque si caetera rite se habeant, certam. Sed, quod paucis monemus, ex dictis nostris, nemo eliciat velim, nexum mediatum claritati simpliciter officere; quod inuita fieret Minerua; cum potius, ubi propositiones latentes erui possint facile, consultum sit sine detrimento claritatis breuitati studere.

§. XV.

II. Alterum quod praeponimus est: *rationem nexum inter*

D

inter

*inter dicta sacra, non tam ex signis distinctionum in N. T. obuiis, quam ex ipsa re esse peruesigandam atque diuidendam. Quamuis non negemus, praeclaram haec signa adferre vtilitatem ad nexum facile perspiciendum, nec temere ac sine vlla necessitate ab iisdem recedendum existimemus: cum tamen haec signa, qua talia, sint ab hominibus profecta, quod Critici ostendunt, * non inuita ratione, ex qua non videtur Spiritus S. id quod per rem ipsam attento atque diligenti lectori iam patet ab eodem traditam, alia insuper ratione significare voluisse: profecto haec signa non tanquam principia interpretationi subterni possunt, sed in auxilium tantum adhibenda, atque per rem ipsam sunt confirmanda. Multo vero minus sectiones illae vel maiores vel minores, has versus vocant, illas Capita, in censum venire hic possunt; quarum Auctores nouimus. ***

§. XVI.

Fundamentis sic positis, vt ad rem ipsam propius accedamus, lubentissime in easdem consentimus leges, quas sibi praefigendas duxit Gerdesius, *** quatenus iisdem non aduersantur. Eam igitur quaerimus loci nostri expositionem, eum sensum, qui 1) & *fundamento generali, totius ratiocinationis Apostolicae imitatur, & ad vindicandam thesin generalem inde deductam faciat* 2) in specie etiam, qui *verum usum & auctoritatem ferendae legis indicet, atque nec funda-*

* Sufficit nominasse CLERICVM Art. Crit. P. III. Sect. I. C. 10. qui inprimis ad antiquissimos codices sacros prouocat, hisce signis destitutos. Quod si vero a Spiritu Sancto ea accepissent tradita Veteres, profecto sine religionis violatione haud neglexissent.

** Confer saltem HEYMANNVM in via ad hist. litt. C. III. §. 15. p. 45. f.

*** Diff. cit. p. 9. sqq.

*fundamento nec thesi suae generali aliquid praecudicii vel damni inde inferri ostendat. Haec ipsa antecedentium quae vocant ratio, quaeque Sect. I. vberius illustrauimus, postulat, atque ex sumptione nostra prima sponte fluunt. Quod vero ille ad ipsum textum obseruandum praecipit, vt 3) *membrum unum ita explicetur, ut cum altero ratione argumenti aut vi argumentandi ad vnā conclusionem cohaereat, id aliter admittere non possumus, quam si demonstratum prius fuerit, ambas textus nostri propositiones vt membra vnius propositionis considerandas esse, vel vt praemissas eandem conclusionem producentes. Namque in re ancipiti nihil tale praesumendum, aut fide eorum, qui sectiones istas minores aut distinctionum signa addiderunt, asserendum esse, ex praec. §. elucet. Iudicet lector aequus, cum nostram expositionem legerit, an non hic fons obscuritatis vulgo huic loco obiectae lateat. Aequum est, quod loco 4) postulatur, vt si nexus ille concipi nequeat, nisi suppleatur aliquid, haec suppletio non nisi ex antecedentibus petatur: quod omni genuinae probationi, qualis haec est Apostoli, commune deprehenditur. Ipsam vero explicationem 5) cum simplicitate & proprietate verborum convenire debere ipsa clamant prima Hermeneuticae principia, non minus, quam vt 6) analogiae Scripturae & fidei sit consona. Sed & 7) ex eadem explicatione transitus quidam naturalis & concinnus ad sequentem obiectionem pateat necesse est, cum ipsa eius proponendae ratio ad praecedentia remittat, indice particula *idcirco* v. 21. & praeterea 8) principia subministret ratiocinio in sequentibus prolato: quoniam omnes Paulinae orationis partes catenae in modum copulae merito creduntur.**

§. XVII.

His praemissis, ad ipsum scopum inoffenso pede tendere iam licet. Seorsim de prima propositione primo

loco agemus, quae haec est: ὁ δὲ μεσίτης ὃς ἔστιν ἐνός. Quae quidem cum ex praecedentibus subiectum desumat atque cum eisdem per coniunctionem δὲ cohaereat, probabile est, eam arcto nexu cum praecedentibus coniunctam esse. Idem vero certius ex eo intelligitur, quod verba proxima: διαταγείς δι' ἀγγέλων ἐν χειρὶ μεσίτου plenum non fundant sensum, cum non pateat, cur haec hoc loco sint addita. Scilicet, si Paulus nude aliquem legis usum, alium quidem, quam iustificationis indicare voluit, id planissimis verbis fecit. Cur ergo haec addidit, nisi aliquam assertionis rationem in se contineant, vel eandem illustrent. Imo vero necessarium erat, addere probationem propositioni, quam aduersarius, qui obiecit, nondum admisit. Atqui ex his verbis: διαταγείς δι' ἀγγέλων κ. τ. λ. ratio nondum innotescit thesios prolatae; necessario itaque venanda ex sequentibus, si illa permittant. Cum ergo subiectum propositionis sequentis ex ipsis his verbis sit desumptum; recte sane concludimus, illam ideam hic de subiecto enunciari, cuius interuentu de nexu dictorum verborum cum asserta thesi apertius constare possit. Quod si est, optimo iure supponimus, per μεσίτην haud alium intelligi v. 20. quam qui v. 19. indigitatur; suffragantibus interpretandi regulis communibus & specialibus. Regula enim est: *quando vocabulum praemissum est sine articulo, idemque repetatur cum articulo; designare id ipsum cuius est facta mentio*: auctoritate antiquiorum & exemplis confirmata a COCCIO in Comment. ad h. l. §. 188. Iam vero v. 19. haud intelligi posse Christum, lueulenter exinde constare arbitror, quoniam μεσίτης aperte satis a semine (CHRISTO) distinguitur. Illud semen cum lex daretur, nondum adfuisse dicitur, *qua tale*, & natum. Quomodo ergo praesens mediator esse potuit, in ipsa lege perferenda? Quod si iam Christo non convenit in hoc loco praedicatum μεσίτου; cum in legis pro-

mulga-

mulgatione nemo praefens fuerit nisi DEVS, qui promulgauit legem: angeli, qui a mediatore distinguuntur: populus cui lex data est; cuius etiam mediator fuit; denique Moses: nihil iam superest, quam, vt historia sacra signum ad id tollente, Mosē mediatoris nomine insignitum credamus. Ipse ille de se affirmat Deut. V. 5. ex interpret. LXX. Int. Ἐγὼ εἰσήνεκεν ἀναμέσον κυρίου καὶ ἀναμέσον ὑμῶν ἐν τῷ κατὰ ἐκείνω: & Leuit XXVI. 46. dicitur DEVS dedisse legem ἀναμέσον αὐτοῦ καὶ ἀναμέσον τῶν υἱῶν Ἰσραὴλ ἐν τῷ ὄρει Σινᾶ EN XEPI ΜΑΥΣῃ. Priori etiam loco officii sui rationem satis superque explanat, addens ἀναγγεῖλαι ὑμῖν τὰ ῥήματα κυρίου, ὅτι ἐφοβήθητε ἀπὸ προσώπου τοῦ πυρὸς καὶ οὐκ ἀνέβητε εἰς τὸ ὄρος. Merus itaque inter-nuncius fuit, non intercessor, * nisi forte typicus, quae tamen spectandi ratio huc non pertinet. Quamuis ergo ad Mosē pertineat haec appellatio; tamen vel ex ipso articuli defectu suspicamur, eum non spectari hic ceu singulus ille mediator fuit: sed sub generali χε-

D 3

σει

* Varias vocis μεσίτου significationes euoluit Magnif. Dom. D. PFAFFIUS Diff. supra cit. p. 34. Socianis non fauere nostram expositionem; qua merum internuntium volumus, luculenter demonstrauit GERDESIVS p. 39. 40. Quænam enim haec esset conclusio? In loco Gal. III. 20. μεσίτης non nisi internuntium significat, eis, quae circumstant, haud aliter permittentibus. E. in omnibus aliis locis sub diuersis circumstantiis idem obtinere, alter veto significatus notissimus Reconciliatoris plane exulare, ac ne de Christo quidem praedicari debet: Bene laudatus GERDESIVS: *Non argumento hoc etymologico solum a significatione vocis μεσίτου ducto proprie ac positue nititur fides nostra sanctissima de reconciliatione nostra cum DEO per Christum, & praestita per illum satisfactione meritoria; sed illis inprimis locis, quae εἰρηνοποιεῖν illud, λύτρωσιν item, imo λύτρον atque ἀντίλυτρον redemptionis nostrae loquuntur, in quibus ubicunque vox μεσίτου occurrit eam nullum aliud officium, quam ex his circumstantiis determinatum hoc est, reconciliatorium & satisfactorium importare posse, per se patet.*

σεῖ mediatoris, & secundum ea, quae omni mediatori sunt communia. Subiectum ergo in nostro textu generatim *quemlibet* μεσίτην, qua talem esse, ex dictis iam liquere arbitror.

§. XVIII.

Ad alteram partem propositionis nostrae hinc conuertimur: 'Οὐκ ἔστιν ἑνός. Nostrum hic iam non est, uti cum subiecto factum, ut sensus omnes possibiles proponamus, & a remotis reliquis ad ponendum nostrum concludamus. Hoc enim, uti fieri vix posset, ita ex Sect. II. quemque ibi iudicem dedimus, GERDESIO de reliquis iudicari facile poterit. Sufficit hic a nobis probari. I. Sensum, quem nos statuimus, esse per se possibilem, quod aiunt. II. Per eundem nexum perspicui posse optimum atque facillimum totius Paulinae orationis. Vocem εἰς absolute positam communi usu nil aliud nisi unitatem numericam, vnicum ens indiuiduum atque singulare per se innuere extra omne dubium est positum. Speciem vel genus, additum nomen determinat. Quale cum nullum hic offendamus peculiare; non adest ratio, cur aliud quam maxime illud generale supplendi sensus causa addamus. Copula ἐστὶ cum addita negatione, si substantivum v. generatim praedicatum, ad quod pertinet in Genitio secum coniunctum habet, nihil innuit aliud, quam illud praedicatum non competere subiecto; atque de idea eiusdem negandum. Sic, e. g. Paulus dicit 1. Cor. XIII. 33. 'Οὐκ ἔστιν ἀνατασάσις ὁ Θεός: propositionis terminis permutatis. Quod nihil aliud vult, quam generatim de DEO omnem ἀνατασάσιαν remouendam esse. Quod si iam haec ad comma nostrum applicemus propositio illa: 'Ο δὲ μεσίτης οὐκ ἔστιν ἑνός aliud haud inuoluet; quam unitatem numericam, eodem respectu, quo determinatur illa, non admittere ideam mediationis: h. e. ea non
confi-

consistere posse; respectu alicuius determinationis vnicum esse indiuiduum, cui haec competat determinatio; & tamen eodem respectu esse mediatorem, i. e. aliud, cui eadem competat, quocunque modo, repraesentare. Quod si iam clarius enunciare volueris: diceres: Nemo sui ipsius mediator esse vel dici potest. Possibilem ergo aliquem habemus sensum huius propositionis: ὁ δὲ μεσίτης οὐκ ἔστιν ἐνός: Quae, si illud innuat, quod diximus axiomatis locum tuetur. Ast, inquires, quid hoc ad rem praesentem? Intelliges, simul atque subsumfero: Quoniam ergo Moses secundum illum respectum, quo Legem pertulisse dicitur, mediator audit: non potuit secundum illum iustificare, seu veram iustitiam restituere: quod vnus est indiuidui seminis Abrahami. Non enim potuit qua mediator v. internuncius vnicum illud semen esse: quia sui ipsius mediator vel internuncius non datur. E. illa legislatio per ipsum facta aliorum spectare debet, quam ad iustificationem.

§. XIX.

Mentem meam atque totam hanc rem vt eo melius possis perspicere, ad sequentia Te attendere cum maxime velim. Paulus v. 15. & 16. haud obscure fundamenta totius ratiocinii sui posuit, vbi benedictionem, quae iustitiae verae restitutionem inuoluit, non nisi ab vnico illo indiuiduo semine Abrahami expectandam esse docuit; eademque opera hoc semen Christum esse indicauit: sumens id ex consensu ecclesiae antiquioris: quibus ita se habentibus; aut a Christo, aut a Mose iustificationem accipiendam ostendit ita: vt non a Mose sed a Christo, ad quem praecedanae promissiones vnice tendunt, eam orituram praeclare moneat. Versu iam 19. vt supra vberius dictum, pro demonstratis hisce iam admissis de vsu atque auctoritate legis agere instituit; hanc tempo-

temporariam tantum fuisse asserens, duraturam, *donec veniat illud semen*. Hic iam opus, hic labor est, vt demonstretur, semen illud quod promissiones spondent nondum adfuisse, cum lex a DEO traderetur. Quod si demonstratum fuerit, per se patet, legem Sinaiticam illius mandatis Evangelicis, quae fidem vnice vrgent, cedere debuisse atque intermedii tantum rationem habuisse: cum determinate, quod aiunt, atque, specificè vnicum tantum indiuiduum, quod esset etiam *σπέρμα Ἀβραάμ* fuerit promissum; a quo salus hominum, atque via salutis pendere debeat. Ad probandum itaque illud, clarum est, nulla re alia opus fuisse, quam vt ostenderet Apostolus, *Mosen non fuisse semen illud*, cum alium pro tali venditare nemo vnquam fuerit ausus. De hoc autem probabile est, religionis pure Christianae hostes promissionem saltem coniunctim explicare voluisse: quam vero coniunctionem primo ipsam absurditatis Apostolus arguerat; v. 16. & iam speciatim, scopo suo conuenienter Mose nullo modo hoc praedicatum convenire posse palam facit. Longius profecto a scopo suo aberrasset, si Mosen non fuisse mediatorem seminis illius pluribus deducere voluisset: cum, si vnicum tantum indiuiduum ad agendum aliquid NB. *σπέρμα Ἀβραάμ* promissum sit, quod iam supponitur, nullo modo eidem aliud *σπέρμα Ἀβραάμ* eodem modo substitui, adeoque internuncium eius dari non posse per se quivis intelligat: nec probabile sit Iudaeos aut Iudaizantes ab eo Mosen absurdius commendare voluisse quod seminis promissi internuncius fuerit. Mosen autem non fuisse semen promissum, id sane brevius, atque citius perspicere non potest, quam si illum eodem tempore, quo lex per ipsum data est Ioh. I. mediatoris nomen & partes gessisse, adeoque nihil sua auctoritate, nihil virtute sua, omnia nomine alieno, & vice alterius edidisse perpendatur, quod scriptura clare satis pronunciat. Hic enim, quod denuo

non

non possum, quin moneam, sollicite abstrahas velim a speciali significato illo, quo ipsam illam benedictionis acquisitionem inuoluit, vnde Christus ipse mediator nuncupatur. Sensus iste a nostro loco plane alienus est. Ponatur iam Moſen eodem tempore, quò Iſraelitis legem tulit, mediatorem tantum atque internuncium fuiſſe. Vocetur in ſubſidium axiomata illud, quod §. præc. commemorauimus. Mediator v. internuncius ſui ipſius non datur. Hinc iam proxima inferitur conſequentia E. Moſes, eo tempore quo legem dedit ſe tanquam promiſſum illud ſemen non oſtendit, quia alias mediator ſui ipſius fuiſſet. Sic iam facilis eſt regressus ad præcedentes theſes: Ergo tum cum legem dedit, iuſtificationis medium hominibus non dedit atque propoſuit: Nam ſic fuiſſet ſemen illud promiſſum. Ergo lex in primis ceremonialis alium finem habere & cum aduentum Chriſti præceſſerit; ad ſummum nihil aliud, quam, præparationem ad eiſdem aduentum inſtituere debuit: nec durare per hanc naturam ſuam diutius potuit, quam donec veniret ſemen illud promiſſum. Id quod Paulus demonſtrandum vltimo loco ſumſerat. Vides iam nexum ex explicatione noſtra inter verba Pauli propinquum atque facillimum: argumentum hic habes theſeos, quæ demonſtranda erat, naturale atque vni omni fortius. Nulla præmiſſa opus habes, quæ non in ipſo textu expreſſis verbis comprehenſa, atque ad hunc uſum ſepoſita fuerit a Paulo. Vides, quam certe omnes propoſitiones a Paulo prolatae ſe inuoluant. Omnium fere verborum quæ in textu occurrunt, atque conſecutionis eorundem rationem iam perſpicias: In primis cur Paulus ita expreſſerit mentem ſuam: *ὁ δὲ θεὸς οὐκ ἔστιν ἕνός* ENΘΣ vt ſcilicet id quod de vnico ſemine demonſtraverat, eo certius memoriæ ſuccurreret. Nullæ hic ſignificationes inſolitæ; nullæ difficiles ellipſes, niſi quas omni generis probationi, in qua ſimul breuitati litatur, communes nouimus. Tibi nunc iudicandum relinquiſumus, an hanc noſtram reliquis præferendam eſſe cenſeas. Ego vero crediderim, quod de omni hypotheſi valet, vt pro vera habenda ſit, ſi omnium phaenomenorum rationem in ſe contineat; idem etiam de hypotheſi exegetica ſtatuendum eſſe.

§. XX.

Altera propoſitio declaranda a nobis hæc eſt. *Ὁ δὲ θεὸς ἓς ἔστιν*. Secundum §. præc. probatio Pauli abſoluta iam eſt, nec vlllo argumento ad præmiſſas demonſtrandas opus habet quæ vel antea iam probatae ſunt, vel Scripturae teſtimonio expreſſo nituntur, vel axiomatum in numero habendæ. Vix ergo hæc, quam nunc tractamus propoſitio referri ad præcedentia poterit proxime. Sed & Sectio II. docuit; quæcunque Viri tentauerint doctiſſimi, nullum tamen inuenire potuiſſe nexum ſimplicem atque conuenientem. Nec ex eodem modo connectendi qui in propoſitione hac æque ac altera obſeruatur quicquam inferri poteſt. Imo ſi hæc

argumentum aliquod nouum contineret propositionis ante ipsam positae: Paulus in primo membro haud scripsisset *ὁ δὲ*, sed *ὁ μὲν*, qua particula in primo membro Graeci vtuntur, si in plura distribuitur oratio, quod iam obseruauit WESSELIUS loco supra citato. Nec quicquam in aduersum faciunt loca a GERDESIO p. 71. adducta ex 1. Cor. XI. 3. 1. Tim. VI. 6. 8. 9. 11. quae quippe hypothese nostrae haud subiiciuntur, uti patebit inspicienti. Quae cum ita sint, nemo nobis vitio vertet, si neglecta communi interpunctione ad consequentia oculum intendamus, num forte melius cum hisce nostra cohaereant. Et ecce quam pulcher & propinquus, quin idem nexus necessarius se offert? Sequitur obiectio: *Ὁ οὖν νόμος κατὰ τῶν ἐπαγγελιῶν τοῦ Θεοῦ.* Ex praecedentibus huic obiectioni occasionem omnes subministratam intelligunt. In iis vero nihil aliud dixerat Paulus; quam legem & promissionem neutiquam simul iustificare, h. e. iustificationis medium offerre posse v. 18. 19. Solam inde intulit promissionem huic fini inferuire, legem, Christo adueniente abrogandam. Ex eo iam huic obiectioni ansa praeberi potuit: An lex contra promissionem sit, h. e. an sibi ea repugnent? Sed nulla vis inesset huic obiectioni ita conceptae: nam Paulus lubentissime concederet, quod antea edixit ipse. Adde iam vocem *Θεοῦ*, quae aequae ad *νόμον* pertinet, quam ad *ἐπαγγελίας*. Sic demum vim argumenti satis speciosi perspicies. Id enim sibi vult: Si DEVS dedit legem, idemque promissionis auctor est, quomodo lex & promissio repugnare sibi inuicem possunt, vt posito vno tolli alterum necesse sit? DEVS non potest repugnantia mandare aut eloqui. Cur? *quia vnus est* essentia, quae voluntatem vnica atque immutabilem ponit. Viden ergo, vnde sua obiectioni sequenti vis constet? Haud profecto aliunde, quam quod cum vnitate DEI vix conciliari posse videtur, si, quae sanxit ipse, vt legem, aliunde, a promissione, tollerentur. Quae cum ita sint, haud cespitantes, mutata interpunctione, ad priorem propositionem: *ὁ δὲ μεσότης οὐκ ἔστιν ἐνός* punctum reponimus, qua totus absoluitur sensus, tota probatio. Sed ad indicandum nexum propiorem alterius cum insequenti propositione, colon interponimus, sequentem in modum. *Ὁ δὲ Θεός εἰς ἔστιν.* *Ὁ οὖν νόμος κατὰ τῶν ἐπαγγελιῶν τοῦ Θεοῦ;* Quo facto prior illa vel sola versum 20. constitueret; vel si ad eum, qui vulgari ordine 19. numeratur, referre malueris, versuum numerus minueretur. Sic vero omnia plana erunt, & verba nostra non alium habebunt sensum, quam quem omnes clamant, omnes intelligunt. Cum ergo haec interpretatio nostra nexum immediatum eumque facillimum ac necessarium ostendat: atque hinc antecedentibus, quae vocant, aequae ac consequen-

quentibus optime conueniat, communem significatum retineat: nemo tam morosus erit, vt, cum facta mutatio licite institui potuerit, criminis loco habeat, quod has potius sequi partes volumus, quam alias,

§. XXI.

Nihil iam superest, quam vt v. 20. aequae ac Sect. I. v. 10. breui illustremus paraphrasi. Pergit itaque Paulus: Haud frustra dixi, legem tantum per internuncium Moſen laſam fuiſſe. Namque ex hoc ipſo perſpicitis, Moſen non eſſe ſemen illud vnicum. Sic enim internuncius eſſet ſui ipſius, Quod fieri nequit. Exinde vero, ſi ad prius dicta referre vo- lueritis, facillima cognoscitis opera, quod, ſi Moſes tradendo legem iuſtiti- am non reſtituit, recte vobis vſum legis paedagogicum commendauerim, eumque ſolum; quoniam, ſi lex non iuſtificat, per naturam ſuam finem alium, admittere haud poteſt. Quapropter etiam *ſub ea* PRAECISE *ἔσται*, qua vobis perlata eſt in monte Sinai, aduentante Chriſto, ceſſare debet. Nemo vero mihi obiciat, quoniam lex eſt a DEO, & promiſſio eſt a DEO, hae vero inuicem tollunt atque repugnant: DEVM ex mea ſententia con- traria ſtaſuiſſe, nec in verbis in edictis atque promiſſis ſuis ſibi ſemper conſtare. (Abſit blaſphemia dicto.) Hoc ſane vnitati DEI repugnaret. Namque, (vti in conſequentibus demonſtrat Paulus, quae eadem opera paucis ſaltem tangimus) hoc ex veſtra tantum ſententia ſequitur, qui le- gi viuificantem tribuitis virtutem. Non repugnant lex atque promiſſio, niſi in tertio, quod vocant, *iuſtificationis*. DEVS vero neutiquam eo ſine vnquam vobis legem dedit, vt exinde iuſtitiam, quae coram ipſo valeat, quaeratis. (v. 21.) quin potius aperte ſatis omnes in ſcriptura homines peccati atque hinc damnationis reos pronunciauit; non niſi Chriſti ſan- guine expiandos. (v. 22.) Legem vero Sinaiticam propter moram eius- dem Meſſiae addidit, vt ſuo modo ad fidem ex Euangelio N. T. penitus recipiendam praepararet. (v. 23. 24.) per quam ſolam obtingit iuſtification. Quo ipſo patet cum illo legis ſine ipſam etiam legem ad aduentum Chri- ſti exſpirare debuiffe; nosque ab illius iugo liberandos: quin potius in li- bertatem filiorum DEI reſtituendos fuiſſe (v. 25. 26.) Hinc iam, ſublato legis iugo, inprimis caerimonialis quae erat *μεσότητις* inter Iudaeos & Gentes; iam, inquam, ſine vlllo diſcrimine gentis, ſexus, aetatis, ſtaſus, omnes eiſdem in Chriſto felicitatis ſine lege participes ſunt, at- que pereundem ſolum iuſtificantur, per eundem ſolum aeternae vitae ſpem habent; quem quippe in baptiſmo induerunt (v. 27. 28.) Quicunque enim in Chriſtum credunt, cum eo vnum ſunt (v. 28.) Qui, cum ſit ſemen Abrahae, etiam illi (v. 29.) pro ſemine Abrahami repu- tandi ſunt: cui quidem *κληρονομία* promiſſa eſt: illi, quidem ſecundum carnem terreſtris; ſpiritali vero ſpiritalis; quae eſt coeleſtis Hieroſolymae, vitae aeternae.

F I N I S.

COROLLA

- I. *Logica naturalis est in
veritatis cognitionem*
- II. *Non complete d v. H
determinatricem; in*
- III. *Eadem libertas hau*
- IIII. *Existencia DEI a*
- V. *Consensus omnium p
certissimae minus tu
nem recte urgeri pote*

NOBILISSIMO

DOMINO

FAVORI SVO ATQ

Non possum, Fautor
tesseram adiiciam:
lim, quibus me im
de meo erga TE constant
mum TECum esse licuit,
res, quorum constans p
quoddam decus efficiunt.
tius rerum optimarum, f
fundius haustam acquirere
animo TIBI eo magis gra
dem facis, nihil tam laud
Macte iam virtute esto, A
deerunt praemia: & qui
amicorum copia, quos vi
imposterum Numen supr
clesiae utilitati, Patriaeq
gant. Quod restat, VNI
cognoscendi atque amand
verae felicitatis spes vnice

OLLARIA PHILOSOPHICA.

ilis est insufficiens ad acquirendam certam & solidam gnitionem.

e DV HAMEL libertatem definit per vim sui ipsius uicem; interim tamen est character illius verus. rtas haud prorsus accurate facultas vocatur.

DEI a priori ex idea ipsius rite demonstrari potest. nnum populorum existentiae DEI, veritatis alias minus tutum est argumentum. In alium tamen frgeri potest.

SSIMO ATQVE DOCTISSIMO INO RESPONDENTI

VO ATQVE AMICO AESTVMATISSIMO

S. P. D.

PRAESES.

, Fautor aestumatissime, quin hanc TIBI amicitiae adiiciam: non ut laudum Tuarum studiosus videri vobus me imparem bene sentio; sed ut habeas, ex quo constanti affectu iudicare possis. Sane, cum prius licuit, mirum in modum adfecerunt ingenui monumentans probitas doctrinae politiori iuncta singulare efficiunt. Hoc eo certius affecutus es, quo diligentiarum, sacrarum imprimis scientiam eandemque proacquirere TIBI studuisti. Hos egregios conatus ex magis gratulor, quo magis iam publicam omnibus firatam laudabile esse, quod a TE sperare non liceat. te esto, Amice suauissime. Nunquam digna eadem: & qui TIBI ab omnibus necessariis orbatus videris, a, quos virtus parat, affatim recreaberis. Adsit TIBI men supremum, TVISque rebus ita adspiret, ut EcPatriaeque ornamento TE datum esse cuncti intelli- stat, VNIVS illius; a quo omnis nostra salus pendet, ue amandi studio flagrare nunquam desinemus. Sic spes vnice confirmatur. Vale, mihi que fauere perge.